



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Dormi Secvre: Vel Cynosvra Professorvm Ac Stvdiosorvm Eloquentiæ,**

in qua Centvm Et Viginti Themata Oratoria. Non Solvm Stvdiosis, Sed &  
Professoribus eloquentiæ, ac pietatis veræ amantibus utilissima &  
pernecessaria explicantur ; Cum Indice rerum atq[ue] verborum locupleti

**Tympe, Matthäus**

**Coloniæ Agrippinæ, 1650**

LIX. Elogium agriculturæ.

**urn:nbn:de:hbz:466:1-38994**

quia nostris peccatis eos abigimus, partim Dei concessu, qui suo certo consilio vult premi Ecclesiam, ut exerceatur fides, invocatio, patientia, & similes virtutes. *Hic digredere ad explicationem doctrina, quomodo sancti Angeli retineantur.* Retinentur vera animi pietate, & honesta morum gubernatione, hoc est, cum ipsorum exemplo Deum rectè agnoscere, invocare & celebrare discimus, eum amamus, & veneramur, & ingens hoc Dei beneficium, quòd Angelos custodes donavit, grata mente celebramus: contra repelluntur & amittuntur impietate, blasphemis, otio, impuritate sermonis & morum, tyrannide, & injustitia, & cum eorum in locum succedunt Diaboli.

*PERORATIO constabit adhortatione ad considerationem immense misericordiae Dei & amoris, quo complexus humanum genus tam praestantes custodes ei addidit.*

PRIMÒ, ut considerent genus humanum Deo curæ esse. SECUNDÒ, ut considerent nostram imbecillitatem, & potentiam Diaboli. TERTIÒ, ut considerent magna beneficia, quæ singulis momentis nobis praestant Angeli, dum defendunt Ecclesiam, Politiam, Oeconomiam, & cæterum Scholasticum. QUARTÒ, ut ament virtutes, & studeant retinere hos castissimos & fidelissimos custodes: *Ad extremam gratias ages Domino Deo, quòd ministerio Angelorum hactenus nos defendit, & precaberis eundem, ut deinceps praesidio Angelorum nos defendere dignetur.*

### LIX. ELOGIUM AGRICULTURÆ.

INITIUM huic Orationi dabis, si docens, olim consuetum fuisse Romanis, (qui certè inter priscae gentes optimè de rebus statuerunt semper, & iudicarunt,) ut si virum bonum laudare vellent, eum

Q 2

bonum

*Vide Orat. Majoragii Praef. 7.*

bonum agricolam, bonumque colonum appella-  
rent, cuius testem laudabis alterum Latinæ linguæ  
solem Varronem. Iidem gentium domitores con-  
sueverunt ipsis suis manibus triumphalibus cole-  
re agros, spargere semina, disponere arbores, & ar-  
ua metiri, quibus metati fuerant castra, quibus gla-  
dios, pila, omneque bellicum instrumentum glo-  
riosè pertractârunt.

*In PROPOSITIONE polliceberis. Te de laudibus  
Agriculturæ breviter dicturum.*

CONFIRMAT. I. *Locus rei dignitatem docebit à  
vetustate.* Etenim vita rustica urbanam præcessit  
longo temporis interuallo: ante urbes siquidem  
fuere rura, & rusticani ante urbanos. Certè Ada-  
mus, cum sibi cum conjugè in mundi primordio  
consuisset femoralia, tum statim post abiit ad a-  
gros colendos, quò Dei jussu erat amandatus. Il-  
lustrissimus quisq; apud antiquos pastor fuit, aut  
agricola. Quid *Abel*, quid *Abraham*, *Isaac*, *Moyse*,  
*Jacob*? Cum exactis Regibus Romæ publicum  
consilium cogebatur, à villis in urbem accersebân-  
tur principes viri, unde viatoribus & accensis in-  
dita nomina, qui viam inirent, ut accirent Senato-  
res in Senatum. *L. Quintius Cincinnatus*, ab aratro  
ad Dictaturam vocatus est. Cumque esset Con-  
sul designatus, inventus est ab illis, qui eum ad  
hunc Magistratum suscipiendum accersebant, te-  
nere stivam, *C. Marius* primò agricola, postea mi-  
les, postremò Consul & Imperator præstantissi-  
mus populi Romani fuit. *Attilius Calatinus* ex a-  
gro quem serebat sua manu (unde *Seranus* cogno-  
minatus est) ad dictaturam vocatus est. *Cato Cen-  
sorius*, omnium bonarum artium cognitione præ-  
stans, agri instruendi fuit studiosissimus. *Ab-  
dolominus* inter sulcos cum versaretur, Regiæ  
Majestatis insignia abs Tyriis oblata suscepit. De-  
nique à rebus rusticis sibi imposuerunt nomina

*Columella.  
Cicero in  
Catone Ma-  
iore pro Ros-  
cio Amerino  
Dionys. Ha-  
licar. l. 14.  
Antiq.*

Fabii, Lentuli, Cicerones, Pisones, & multi sunt  
Locupletes dicti, quòd locos, seu agros frugibus  
plenos possiderent.

II. Locus proponet utilitatem Agricultura, cujus  
hæc signa habeto, cætera ex Libello de senectute  
petiturus. *Explicabis*, PRIMÒ, victum, què agri, vi-  
neta, horti, pascua, piscinæ, vel etiã rivuli, qui pra-  
ra interfluunt, hominibus præstât. SECUNDÒ, *Pro-*  
*babis commoda agriculturæ ex sacris Literis*, quæ di-  
cunt, Prov 28. c. *Qui operatur terram suam replebitur*  
*panibus*. Neq; solum ad ipsos colonos spectat hæc  
utilitas sed ad universam Rempubl. ea quoq; dif-  
funditur. Hinc Jure Civili constitutum est, ut vel  
tempore belli nulla molestia premantur, neque ab  
agris suis depellantur coloni. Taceo cæteras im-  
munitates, quæ per leges tribuuntur agricolis.

*Virg. O fox-*  
*tunatos ni-*  
*miùm &c.*

III. Locus docebit eius jucunditatem, de qua con-  
sule Catonem Majorem. *recensebis* autem eas præ-  
sertim voluptates, quas Vere Aestateq; percipiunt  
rustici, testemque cita Horatium:

*Diodorus Si-*  
*culus lib. 3.*

*Beatus ille qui procul negotiis,*  
*Vt prisca gens mortalium,*  
*Paterna rura bobus exercet suis,*  
*Solutus omni scœnore.*

PERORATIO *perstringat* milites, agricolarum  
vexatores, & omnes eos, qui importunè contem-  
nunt vitam rusticam. Non ita sentire *dicos* nobiles  
Germaniæ, qui ruri penè omnes habitant. Non  
ita sensitse Mâximilianum Rom. Imp. Etenim Æ-  
nipontiũ ingressus cum videret in curia hæc car-  
minis lapidi incisa:

*Da Adam hæc Evnd Eva Span/  
Welcher war do ein Edelman.*  
*Quando Adã fodiebat humũ, & filiũ Eva trahebat,*  
*Quis vir tum clarus nobilitate fuit?*  
*Quid egit? num se eo versu contemptũ putavit?*  
*Haudquaquam, imo se agricolis similẽ professus,*

*Infruct*  
*in Austria.*

omnem nobilitatem Deo acceptam referebat, ut  
& quoscunq; sciret sibi à populo attribui honores:  
nam in hunc modum subiecit:

*Ich bin ein Mann wie Jederman/  
Nur das mir Gott der Ehren gan.  
Sum reliquis par ipse viris; mihi favit honores,  
Qui sola terrarum torquet ab axe Deus.*

LX. DETESTATIO SIMONIÆ.

**I**N EXORDIO dices eos Simoniaca labe esse infe-  
ctos, qui exemplo Simonis Magi Rem spiritua-  
lem, ut gratiam, Sacramentum Ordinis vel Eccle-  
siasticum beneficium, pecunia emunt, vel ven-  
dunt.

PROPOSITIO: Te Auditoribus hujus vitii fœdi-  
tatem & incommoda in memoriam revocaturum.

CONFIRM. I. LOCUS ab inhonesto, quòd turpe  
sit Christianum Christi Legem non observare. At  
Christus Apostolis demandavit, ut prædicandi  
miraculaq; patrandi munus nullo accepto pretio  
obirent. *Grati*, inquit, *accepistis, gratis date*. Vnde  
*Ioa. 2. v. 14.* & omnes vendentes & emētes Templo eiecit, &c.

Ad hæc SS. Patres in Simonis Magi, hujus vitii  
auctoris & parentis, factò, quod describit S. Lucas,  
Act 8. v. 9. quatuor notarunt flagitia. PRIMUM, tur-  
pis lucri, seu avaritiæ, quæ teste Apostolo est *idolo-  
rum servitus*. Ideo enim volebat emere Spiritum san-  
ctum, inquit B. Augustinus quia vendere volebat Spi-  
ritum sanctum, & multas pecunias, ut loquitur Epi-  
phanus, *cumulare ac lucrari*. SECUNDUM ambitio-  
nis: quoniam, inquit S. Aug. *in mirabilibus ingredi  
volebat super se; propterea plus illum delectavit potē-  
tia Apostolorum, quàm justitia Christianorum, ubi vi-  
dit per manus impositionem Apostolorum, & per ora-  
tiones eorum, Deum dare Spiritum sanctum*. TERTI-  
UM, Sacrilegii: quia, ut D. Petrus ei objecit, donū  
Dei existimavit pecunia possideri posse, hoc est, re  
pro fana sacratissimam, imò divinam gratiam, rem  
omni-

*Mat. 10. 8.*

*Matth. 21.*

*Ioa. 2. v. 14.*

*Eph. 3. v. 5.*

*Tract. 20. in  
cap. 2.*

*Ioan.*

*Hæres. 21.*

*In Ps. 130.*